

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës ("Gazeta zyrtare e Republikës së Maqedonisë" nr. 145/10, 136/11, 41./2014, 53/ 16 dhe 83/18), dhe duke vepruar sipas njoftimit për përqendrim të parashtruar nga Shoqëria për tregti dhe shërbime GRS SOLAR SHPKNJP Shkup me seli në rr. "Slavko Janevski" nr.3/3-3, kati 5/88 Shkup - Qendër, i dorëzuar përmes Shoqërisë së Avokatëve Georgievski nga Shkupi, në seancën e mbajtur më 15.01.2023, mori këtë

### AKTVENDIM

1.Vërtetohet se përqendrimi me anë të së cilit Shoqëria për tregti dhe shërbime GRS SOLAR SHPKNJP Shkup me seli në rr. "Slavko Janevski" nr.3/3-3, kati 5/88 Shkup – Qendër do të fitojë kontrollin e vetëm mbi Shoqërinë për prodhim, tregti dhe shërbime të energjisë elektrike MIT SOLAR SHPKNJP Shkup me seli në rr. Filip Vtori Makedonski, nr.2-2, kati MA2/88, Shkup-Qendër, nëpërmjet shitblerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

2.Parashtruesi i njoftimit për përqendrim obligohet që për njoftimin për përqendrim të paguaj taksa administrative në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifar 34 të Ligjit për taksa administrative ( Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 10000000063095, llogarinë e pagesës 840.....03161, shifrën e të ardhurave dhe programin 72231300.

3. Padia për ngritjen e kontestit administrativ nuk e prolongon përmbardimin e aktvendimit.

### Arsyetim

Në përputhje të nenit 15 të Ligjit për mbrojtjen e konkurrencës (në tekstin e mëtutjeshëm:Ligji), më 14.12.2023, te Komisioni për Mbrojtjen e Konkurrencës (në tekstin e mëtejshëm: Komisioni) u dorëzua një njoftim për përqendrim nga Shoqëria për tregti dhe shërbime GRS SOLAR SHPKNJP Shkup me seli në rr. "Slavko Janevski" nr.3/3-3, kati 5/88 Shkup – Qendër, me anë të së cilit Shoqëria për tregti dhe shërbime GRS SOLAR SHPKNJP Shkup do të fitojë kontrollin e vetëm mbi Shoqërinë për prodhim, tregti dhe shërbime të energjisë elektrike MIT SOLAR SHPKNJP Shkup me seli në rr. Filip Vtori Makedonski, nr.2-2, kati MA2/88, Shkup-Qendër, nëpërmjet shitblerjes së pjesëve.

Komisioni filloi shqyrtimin e Njoftimit nga dita e pranimit të tij dhe në bazën e të dhënave të paraqitura në Njoftimin për përqendrim , shtojcat dhe anekset e tyre, konstatoi si në vijim:

### **Aktivitetet themelore të biznesit të ndërmarrjeve të përfshira:**

- **Shoqëria për tregti dhe shërbime GRS SOLAR SHPKNJP Shkup** është shoqëri me përgjegjësi të kufizuar me qëllim të veçantë e themeluar nga Gurish Inshaat Ve Muhendislik Anonim Shirketi ("Gurish"), pjesë e grupit të kompanive Gurish ("Grupi Gurish"), me qëllim të investimit në projektet diellore në Maqedoninë e Veriut.

Gurish është aktive në Turqi dhe në Azinë e Mesme, Lindore, të Afërt dhe Qendrore, Komonvelt e Shteteve të Pavarura dhe Afrikën Veriore, dhe ka ndërtuar projekte sipas parimit "çelësi në dorë" pothuajse në çdo fushë të industrisë së ndërtimit. Projektet e Gurishit përfshijnë projekte komunikimi si autostrada, ura, viadukte, hekurudha, tunele, metro, porte detare dhe aeroporte; digat, sistemet e ujitjes dhe pastrimit të ujit, impiantet e trajtimit të ujit dhe ujërave të zeza, sistemet e shpërndarjes së ujit dhe të ujërave të zeza; projekte superstrukturore që përfshijnë komplekse industriale, objekte të prodhimit të benzinës dhe gazit natyror, rafineri, hotele, spitale, shkolla, ndërtesa zyrash, ndërtesa prestigjioze, qendra biznesi, rezidenca, vila luksoze, objekte banimi masive; termocentrale që përfshijnë termocentrale, hidrocentrale, termocentrale gjeotermale dhe termocentrale me erë.

Gurish ka dy shoqëri të lidhura në Republikën e Maqedonisë së Veriut, përkatësisht:

-Shoqëria për tregti dhe shërbime KICECO VIND SHPKNJP Shkup me seli në rrugën "Stiv Naumov" nr.3-388 Shkup dhe me veprimtari prioritare prodhimi i energjisë elektrike dhe

- Shoqëria për tregti dhe shërbime SLN SOLAR SHPKNJP Shkup-Qendër dhe me veprimtari prioritare prodhimi i energjisë elektrike.

-Shoqëria për prodhim të energjisë elektrike, tregtisë dhe shërbimeve MIT SOLAR SHPKNJP Shkup është shoqëri me përgjegjësi të kufizuar me qëllim të veçantë e themeluar me qëllim të ndërtimit të projektit fotovoltai/solar në komunën e Demir Kapisë me fuqi nominale prej 24,84 MWp (DERI në rreth 65 MWp).

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij, veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës. Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

## **Udhëzim për mjetin juridik**

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

**KRYETAR**  
**I KOMISIONIT PËR MBROJTJEN E KONKURENCËS**  
**Prof. Dr. Владимир Наумовски**